

祖徠集稿

五



集卷之五

徂徠物先生護園遺藁卷之

東都

物茂卿

著

身道濟

輯

詩部

七言絕句一百十七首

春日上樓

落日高樓俯碧霄，關中春霽望迢遙。
把杯意氣千秋色，獨看芙蓉白雪驕。

少年行

獵罷歸來上苑秋，風寒憶得鷓鴣求。
裘衣分明昨夜雪，娘



山房

宿杜曲西家第二樓

正月十日作

嘗說漢家恩澤疎金莖不到病相如從今中使茂陵
路封禪誰求死後書

明妃曲

爲寵單于不許還還鄉路是漢蕭關妾顏今日自堪
恨敢恨黃金誤妾顏

緋桃栽得家字

聞說阮劉憐此花天台上赤城霞栽時莫近清溪
水仙女春來多憶家

得縣先生書却寄

二首

周邦多士意茫然夜奏幾回煩司天文若于今猶著
膝剩看西北二星懸

曳裾一時亦盛哉上邦授簡大夫才如今耆舊西園
淚多是山陽笛裡來

次公果然以野味二品遙致作此爲謝

二首

一諾曾留問字年銜杯意氣爲君憐開緘莫是鄰家
肉孟軻從來有母賢

嘗誦徐卿擊鹿行銅盤共軟代興盟卽今疾足死君
手來贈當年歷下生

偏

予嘗發書海內諸名、便輒下世矣。二首

編抱朱絃覓子期、白雲到處渺成悲、自遊不是人間
調、彈向夜深明月知、
落落神交只自論、誰知後死與斯文、太玄縱有侯芭
受、還可千秋待子雲、

偶作

匣裡龍泉風雨悲、自知神物識人稀、豐城夜夜千牛
斗、悉道吳門匹練飛、

峽遊雜詩十三首

留別諸友生

峽郎詞臣使峽陽、郎中年少淚沾裳、殷勤錯勸歸來
早、不識峽陽非異鄉、

小佛嶺

鬱翠北來連函關、一條峻嶺限東寰、下時更問嶺西
路、九十六盤還自艱、

踰界河

土人爭看傳車閒、塵尾遙麾落日間、自古峽陽應罕
見、風流使者訪名山、

望天山山有梵音洞

天目山頭雲氣迷、駐輜鶴瀨驛橋西、梵音尚道鬼神

聽應有雨花流出溪

鶴瀨關

近聞山犬夜無聲
百里鷄鳴達府城
隨例晨門應早掩
關河空負堦巖石

竹林門觀瑞芝

竹林傳是地仙居
芝草至今燁雨餘
會有高人來採藥
不勞賢主走安車

夢山

誰把華胥國裡山
移來城北傍雲關
箇中安得逍遙枕
應有路從三島還

城西竹林中謂是昔時美人所居

蕭然竹樹故城西
小路縈迴野鳥啼
且訝百年留遺艷
石間紅葉使人迷

躑躅崎

斜隨山徑陟崇丘
躑躅崎頭想舊游
記得曹王橫槊事
英雄自古有風流

潮河橋上解嘲

悉危風吹欲墜橋
騎鯨李白世非遙
飄然欲訪蓬萊路
休道鰈門不上潮

出村口

行過峽口馬如飛回首桃源思翠微黃髮垂髻今尚在依俛指說觀花磯

還館作

甲陽美酒綠葡萄霜露三更滿客袍須識良宵天下少芙蓉峰上一輪高

都留絹

天孫曾下士峰陰竹裡藏身機杼音一自仙翁剖開後尚留花樣到如今

新歲偶作

江城初日照芙蓉西望函關白雪重無限武昌郡中

客陽春一曲少相逢

閒曹無事加以嬾惜性復怯寒臘後率擁爐
餉軒以至今日

車馬春風滿五陵雄藩多士氣如蒸無端被道袁安似一臥雪中猶未興

西山日有

集

補遺

移居之夕東壁以長卿見比次韻奉答之
中歲相如多病居茂陵又是焚琴書上林狗監今亡

嵩山房梓
矣不問何人說子虛

次韻有鄰新歲作

畫舫青樓古武陽紛紛誰不醉金觴
何人商略春風面解道梅花更有香

玄上人見寄次韻却示

便似神鸞却望梁華陽洞畔楚天長
吾家別有千秋藥沆瀣還它地仙腸

奉和琴鶴堂主中秋瓊韻

鶴
瑤琴玉軫鼓三行白雁飛翔玄鶴鳴
此意只當明月識中秋一夜爲君晴

偶題

昔道長安似奕棋請看今世亦如之
何知老拙都無事歲去歲來徒咏詩

題老列莊像三首

藏書問禮我師師紫氣關門那得知
不是猶龍能變化彭聃到處使人疑

老來放縱不知非只好婆婆弄落暉
昨夜扁舟乘雪去傲然謂是御風歸

春風日日興翩然不憐憐花蝶可憐
便向花間移榻臥更憐傲吏似誰賢

春杪義空師將有西京之行留意阿刺吉酒
所盛亦西洋玉壺作二絕餞別且謝

飛絮紛紛黃鳥斜暮春行色映袈裟慙慙少住偕春
去已到洛陽看幾花

紅毛酒貯碧琉璃留我一壺琥珀疑欲綰春風歌離
別君家甘露灑楊枝

少年行

年少聰明勝阿爺早知身世等空花呼盧百萬揚州
去二十四橋是吾家

山房春事

山房春月映沙洲忽憶梅花問上流待有鄰翁携酒
至門前且繫木蘭舟

石原山八景

山東沃野

石原山後萬家煙石原山前綠疇連綠綠養父嘗名
郡孝悌力田傳漢年

箕川清泉

鯢鯢箕泉抱石流一瓢誰此掛清秋因疑巢父牽牛
地還屬扶桑但馬州

櫻溪遠花

總說山陰晉代彰櫻溪禊事自洪荒假饒會稽誇觴
咏能有繁華萬樹香

杉間秋月

山因帝釋似須彌半夜琳宮月上時萬樹風杉遮不
盡重重葉葉網珠垂

嵐峰紅葉

夜夜嵐峰嵐染成峰峰錦樹錦逾明何人裁作袈裟
著爲謝諸天大有情

四山晴雪

溪巒雪霽畫圖開謂是山陰道上回直置應酬無復

暇恰如乘興夜舟來

霧海朝暾

浩浩雲波訝陸沈俯聽萬籟似潮音須臾日照千山
出寺在蓬萊第幾岑

北溟眺望

蹴雲遠浪散天華帝釋臺頭眺望餘千丈丹梯何處
所倚身北斗問仙槎

服生詠白菊有花中白面郎語戲次韻却寄
貧看東籬色似霜風吹岸幘落何妨漸誇髣髴堪相
鬪不謂花中白面郎

題畫
牛首

列子冷然知所稀，御風一去未曾歸。
寥寥天路終何限，咳唾今應作雪飛。
日日春風傲吏家，醉看蛺蝶映簾斜。
縱論物化何能知，我意翩翩只在花。

奉別琴鶴君侯就封下館城十絕句

憶昔前朝侍從班，金鑪玉案殿中間。
如今始識諸侯貴，擁傳東方千騎還。
五馬春風草色繁，關中千里盡平原。
迢迢大道知如髮，攬轡休歌行路言。

專城元自列侯尊，况有松楸百歲墳。
路過中山須滯問，昔時父老幾人存。

驪歌嘈囋起華堂，日暮春雲映酒觴。
莫似尋常揮別淚，君侯封國豈他鄉。

楓葉應迎朝覲日，楊花相送陞辭春。
寧論鴻漸當時翼，猶自去來稱雁臣。

聲言

龍去白雲年歲深，經筵警效昨猶今。
聞說郡山著草秀，應思周易聖人心。

布衣金馬橫經年，遙望貂蟬傍御筵。
萬事難言溫室樹，誰知此別轉茫然。

臨別瑤琴殊有情，停杯偏惜和歌聲。莫言此去無人
和，城外高山筑是名。
行春到日麥纔秋，臥閣青山擁上游。揮罷五絃時一
望，南薰起處夏雲流。
風流何忘醴筵裾，自此寂寥揚子居。春盡縱無南雁
雁，爲君能惜武昌魚。

次韻芳檐子侯冬曉之什

五首

園林簌簌不知冬，夜宴彈殘風入松。竹火籠灰侍兒
睡，忽聽城上五更鐘。

攏月瓦霜寒弄冬，西園仙籟滿杉松。五更夢斷何情

況，一樣花時長樂鐘。

曉圍暖閣最宜冬，寶鼎仙芽瀹瓦松。非因公子憐幽
趣，不信人間夜半鐘。

佳人一曲奏玄冬，響遏行雲蔭砌松。頗訝鉅鐸非俗
調，鳳鳴十二是黃鐘。

夜繙文史臥三冬，慣聽清霜下曉松。寧道郢歌元易
和，幾回深省發晨鐘。

擬苑中值雪應制

人間白雪剪仙霞，天上陽春滿帝家。何翅郢歌高授
簡，已看羯鼓巧開花。

田家即興二首

田家女子厭蠶桑多學東都新樣粧恰是年年官債重賣身好與冶遊郎

春風村落沸繁絃日日江東米價賤爲是昇平多樂事還教父老恨豐年

郊行二首

日落平蕪匹馬忙燈光遙指國門傍前朝使者埋輪處却是郊原少虎狼

千里春蕪樵子歌如今半是綠疇波漢家近日弘羊貴何處斜陽牧笛多

秋江送別

白露青楓兩岸秋無窮別恨滿中流何堪明月潮生早望斷蓬萊仙子舟

折楊柳

章臺春色滿楊柳攀折一朝屬君手何愁明日西風吹顏色從來難保久

同賦美人畫眠分韻鬟字

聞道君王獵未還水晶帳外露雲鬟楚宮雨過巫山暗料識香魂不肖閑

畸賞中收江若水詩時值其求和因和寄韻

斷

仙子蓬萊正似雲誰家青鳥不殷勤何知今日華陽
洞位業圖成只著君

池帥臺寄紅葉需詩值吾有渭陽之感吟不
能成調

名苑槎枒醉朔風折來遠寄一枝紅秋霜未說空中
色相對還知色即空

宮詞

萬幾一日正紛綸久倚經筵生黯塵莫是內官蒙譴
責朝來忙召翰林臣

奉和亞槐藤公富士二什

白雪玲瓏照大東仰頭只看蔚藍重料知中貯神仙
藥海上三壺總一峰

佳人絕色立東方西顧帝京應有光那得山雲白如
許雪映映徹素羅裳

前韻再賦

纔含菡萏大洋東葉葉玉葩知幾重千古海風吹不
破只看天際最高峰

青蓮八面自無方白雪四時渾有光海日照山雲五
色持還好補袞龍裳

孤山丐梅花冒雨折一枝畀之有詩見謝比

和答成却值桃花盛開 二首

雨雨風風爲惜春，折梅不與與騷人。
攜歸縱墜紗窗下，猶與君家詩卷親。
梅謝桃開次第新，清香不斷小園春。
誰知近更風流甚，醉藉庭花不戴巾。

成慶上人簪栗

百萬思歸淚，水東蔽天旌。
旆夜鳴風何人，却采殘竿鐫。
留將壯心滿箇中。

看調馬

圉人雙控內，閑來噴玉噴沙梁。
驚哉近說漢家却，千

法句一平得
改公

漫

里勸君努力學驚駘

丹侯臺忽顧草堂，且有暖帽之賜。
青皂各一浸裁三絕奉謝。

漢家大守是諸侯，底事還從酒客游。
應爲門前栽五柳，今朝繫得五驂騑。

忽簇干旄映郭流，馬芻奴飯貧家愁。
攜來似是陽春色，拜賜偏歌白雪酬。

似怜春寒便怯游，映花却說是風流。
青巾皂帽戴俱好，免使黃鸝笑白頭。

丹侯辱賜和章，忽值情鍾之感，再依原韻申

謝因兼自意三首

乘春車騎似尋侯，謂是夷門公子游。何限燕臺千里骨，錯知伏櫪有驂騑。

忍看五雲城裡流，掌珠黯淡忽成愁。自是朱絃難作調，欲將白雪若爲酬。

翩翩白雪趁春游，一夜吹成哀響流。寧爲東風多變調，從來此物易盈頭。

吉臣哉歌國風三章見慰，因依其韻自攄非

酬也

歌罷鼓盆知一時，中年却作西河悲。歸家只是無歡

樂，騎馬出門何所之。

黃鳥哭花花泣露，尋常草色似墳墓。始訝掌珠先許，多青春到處總成暮。

此事何關白雪高，淒然一似讀離騷。相憐知是君同病，哭兒哭妻到二毛。

絕句三首因丹侯需酬鈴周菴次韻見寄

聞道君卿鯖五侯，年年芝水採芝游。朝來醉罷屠蘇酒，去映紅顏逐紫騮。

影照牛門抱郭流，誰投白璧雙雙愁。近來淚與掌珠盡，縱是鮫人能可酬。

都門笙鼓動春游，只自郭村看水流。莫恠新聲多厭聽，庭花昨夜落階頭。

歸雁二首

春雁連翩楚水涯，何人停瑟一聽之。依侬寫得聲聲怨，却是湘妃不禁悲。
置酒高樓雁北飛，江南春色又芳菲。那能不起故園意，每值花時見爾歸。

涼州曲

千里風沙飛鳥迴，玉門關外古輪臺。猶聞昨夜涼州曲，天馬大宛從此來。

塞上曲分韻南字

風吹貂帽雪毵毵，胡馬千群大漠南。喇叭齊聲中夜起，將軍營裡宴方酣。

六義園奉陪國子先生

是日園林天氣清，款留國子老先生。何堪山鳥無情思，忽喚不如歸去聲。

丁酉元日展先墓途中從城南却望氣色佳甚，偶爾口占。

回頭直北鬱葱哉，漢殿秦宮髮鬢開。因憶文皇登極日，代來誰似賈生才。

奉和丹侯韻

誰奏陽春動大東，王侯第宅自雄風。何來白雪紛紛集，坐使江城似郢中。

西幾人有求學詩者教往江若水

草罷玄經枉自誇，遂教問字不辭譁。何知司馬相如後，猶有華陽賣酒家。

遊山寺次韻主人

驚看衣珠停晚開，就鳥峰春色座中來。上方何慮到昏黑，歸路別攜明月回。

理國手詩後繫以挑仙咏，是自閬苑妙侶仙。

凡境殊能得羨乎，因再和理翁韻以成理翁趣已。

五畝蓬蒿兩部蛙，自誇鼓吹德璋家。何知採藥桃源客，飽聽仙歌日每斜。

題藤理菴卷

稷下聲名自古聞，雕龍多藪日紛紛。最憐待宴歸來晚，懷肉還應餽細君。

增祿五百石口號

五百曼容未輒辭，謝恩縱是折腰時。勝如方朔長安米，三尺侏儒九尺饑。

芳洲攜子至

高山忽值子期難此時草堂氣象千况復掌中珠一顆攜來借與病夫看

次韻服子遷雪中寄示

枚乘才氣本翩翩偏讓梁園授簡年曾謂廣陵不如雪人傳八月觀濤篇

又次感懷韻三首

曾上襄王百尺臺三千珠履照筵開祇今只有行雲色猶自朝朝暮暮來

由來才子傲詞林一入侯門便陸沈不是梁園人散

後相如始有倦游心

花照玳筵風不寒絲毫曾奉主公歡今宵對酌西園雪只得應徐意氣看

又次韻贈桃仙女史作

曾恠君侯首重迴瑤池歌雪自仙才只今應識神游地弱水那邊何處臺

又次韻贈理翁作

花時絃管不思鄉侍宴那知雙鬢霜一夜梁園風雪起解言爲客意淒涼

又次送人之峽韻

匹馬嘶霜曉色寒都亭尚是尋常看崎嶇西上青天
路始識今朝離別難



